



Aleksandar Cincar
Direktor Instituta za standardizaciju BiH

Poštovani čitaoci!

Zadovoljstvo mi je da vam se kao novi direktor Instituta za standardizaciju Bosne i Hercegovine obratim s nekoliko riječi. Na tu dužnost sam stupio 1. oktobra 2011. godine. Preuzevši funkciju glavnog i odgovornog urednika našeg *Glasnika*, želim da istaknem da ćemo vas i dalje obavještavati o dešavanjima iz oblasti standardizacije na obostrano zadovoljstvo.

Jedan od naših ciljeva je podizanje nivoa svijesti o važnosti standarda i rad na stvaranju uslova za ravnopravno učešće na međunarodnom i evropskom tržištu, jer je standardizacija jedan od stubova infrastrukture kvaliteta. Na njoj se temelji uključivanje naše privrede u međunarodnu razmjenu robe u savremenim uslovima privređivanja.

Očekujem, kao i do sada, vašu zainteresovanost i vaš doprinos u realizaciji zacrtanih ciljeva i pozivam vas da svojim stručnim člancima, interesantnim za čitaoce, obogatite naš *Glasnik*. Institut za standardizaciju je i dalje otvoren za saradnju i stoji na raspolaganju za sve vaše potrebe iz djelokruga našeg rada.

Pošto se ovo izdanje *Glasnika* publikuje pred Novu godinu, ujedno bih da vam zaželim srećnu i uspješnu 2012. godinu kako na privatnom tako i na poslovnom planu.

Srdačan pozdrav,

